

ԱՆԽՈՆՁ ԳԻՏՆԱԿԱՆՔ

(Ա. Մ. ԻճԵԽԿՅԱՆԻ ԾՆՆՈՂՅԱՆ 60-ամյակի
առթիվ)

Բանասիրական գիտությունների դոկտոր Արամ Մկրտչի ԻճԵԽԿՅԱՆԸ, որի ծննդյան 60-ամյակը մեր գիտական ու գրական հասարակայնությունը նշեց ընթացիկ տարում, ժամանակակից հայ բանասիրության ու գրականագիտության նեղիմակավոր դեմքերից ու բազմաշխատ մշակներից մեկն է և իր բարձրարժեք հետազոտություններով լուրջ ավանդ է մուծել նոր ու նորագույն շրջանի հայ գրականության պատմության, տեսության և բնագրաբանության (տեքստաբանության) մարզերում:

Ա. ԻճԵԽԿՅԱՆԸ դասական հայ բանասիրության պատկառազու դեմքերի՝ Գ. Տեր-Մկրտչյանի, Ստ. Մսիսայանցի և Հ. Մանանդյանի հայրենակիցն է, ծնված 1910 թ. դեկտեմբերի 29-ին, Ախալցխայում, մի գեղդաստանում, որն ունեցել է բնության, բնադրագության ու ծաղկի մեծ պաշտամունք:

Սկզբնական կրթությունը նա ստացել է հայրենի քաղաքում, հետո մանկավարժական աշխատանքով պարապել՝ զուգահեռաբար ստանալով նաև բարձրագույն կրթություն:

Վաղ տարիներից է ծնվում ԻճԵԽԿՅԱՆԻ մեջ սերը դեպի հայ բնադրագության հրակաների՝ Հովհաննես Թումանյանի և Ավետիք Իսահակյանի ստեղծագործությունը: Այդ սերն էլ, դեռ 20-ական թթ. վերջերին, նրան տանում է Դսեղ, ուր ուսուցչություն է անում և ուսումնասիրում մեծ լոռեցու կյանքն ու գործը, հետևելով այն իմաստուն խոսքին, թե գորդին լավ ճանաչելու համար պետք է լինել նրա հայրենիքում: Դսեղն էլ կանխորոշում է ԻճԵԽԿՅԱՆ-ԳՐԱ-



կանազեսի ապագա հետազոտությունների հիմնական ոլորտը՝ թումանյանագիտությունը: 1933-ին հաջողությամբ ավարտելով Երևանի մանկավարժական ինստիտուտի լեզվի և գրականության ֆակուլտետը, ԻճԵԽԿՅԱՆԸ իրեն նվիրում է գիտամանկավարժական գործունեության, դադար տալով միայն ֆինանսական կոիվների և Մեծ հայրենականի տարիներից, երբ ուրիշ շատերի հետ, զենքը ձեռքին, մարտընչում էր հանուն հայրենիքի:

1946 թ. առ այսօր Ա. ԻճԵԽԿՅԱՆԸ աշխատում է Մ. Աբեղյանի անվան գրականության ինստիտուտում նախ՝ որպես ավագ գիտաշխատող, իսկ 1958-ից՝ նույն հաստատության տեքստաբանության բաժնի վարիչ:

Արամ Մկրտչի ԻճԵԽԿՅԱՆԻ գործունեությունը հայ նոր գրականության պատմու-

թյան բուհասիրության բնագավառում ընդգրկում է ավելի քան Նոնք տասնամյակ:

Նրա գրքից են պատկանում հայ դասական գրականության ականավոր ներկայացուցիչներին նվիրված մի շարք մենագրություններ և հետազոտություններ (Այվարյան, Ալիշան, Պատկանյան, Նալբանդյան, Պեշկեպուշյան, Շահազիզ, Մատուրյան, Թումանյան, Իսահակյան, Ախյանյան և ուրիշներ): Հատկապես նշանակալի է Ինճիկյանի ավանդը Նալբանդյանի, Թումանյանի և Իսահակյանի կյանքի ու ստեղծագործության գիտական ուսումնասիրության բնագավառում: «Միքայիլ Նալբանդյանի կյանքի և գործունեության տարեգրությամբ» (1954) Ինճիկյանը դրել հայ մեծ հեղափոխական-դեմոկրատի գիտական կենսագրության սկիզբը: Նրա ալդ աշխատությունը, միաժամանակ, տարեգրության ժանրի առաջին և, ըստ ամենայնի, հաջողված փորձն էր հայ իրականության մեջ, որ արժանացավ գրական-գիտական հասարակայնության բարձր գնահատությանը և ՀՍՍՀ գիտությունների ակադեմիայի նախագահության շնորհակալագրին:

Ինճիկյանի գրականագիտական լուրջ հետազոտություններից է նաև «Թումանյանի զեղարվեստական արձակը» (1937), բայց հայ ազգային մեծ բանաստեղծի գրական ժառանգության ու կենսագրության մարզում նրա կատարած երկարամյա հետազոտությունների հանրագումարն էլավ «Թումանյան. կյանքի և ստեղծագործության պատմությունը» ծավալուն մենագրությունը (1969), որ գնահատվեց որպես թումանյանագիտության վերջին, կուրորագույն նվաճումներից մեկը:

Բարձր գնահատության է արժանի Ինճիկյանի վաստակը նաև Այվարյան Իսահակյանի ստեղծագործության ուսումնասիրություն մարզում: Նրա մենագրությունները՝ լույս տեսած 1940 և 1955 թթ. (վերջինս թարգմանվել է նաև ուսերեն՝ 1956 թ.) իրավամբ դասվում են հայ մեծ քննորդունի նվիրված լավագույն աշխատությունների շարքը:

Ինճիկյանի հետազոտությունների մի նշանակալի մասն է նվիրված է հայ գրականության պատմության կարևորագույն պոբլեմների քննությանը: Դրանցից պետք է հիշատակել «Արա Գեղեցիկի առասպելը և նրա գրական մշակումները» (1948 թ., տպագրված է 1967 թ.), հայ նոր գրականության սկզբնավորման խնդիրներին նվիրված ներածական ուսումնասիրությունը, ուր հանգամանորեն վերլուծվում է 15-րդ դարի վերջին քառորդի և 19-րդ դարի առաջին կեսի գրական պոբլեմը (այդ աշխատանքը տպագրվել է «Հայ նոր գրականության պատմության» առաջին հատորում, 1961-ին):

Հայ նոր գրականության մեջ ազգային-ազատագրական շարժման արտացոլման պոբլեմին նույնպես անդրադարձել է նա «Իսախանյան Պատկանյանի և 1850—1860-ական թվականների հայ ազգային-ազատագրական շարժումների գնահատության շուրջը» հետազոտության մեջ (1961) և Ռ. Պատկանյանի երկերի գիտական հրատարակության առաջին հատորի «առաջաբանում» (1963):

Ինճիկյանի գիտական գործունեության մի կարևոր բնագավառը կազմում է հայ դասական գրողների երկերի ժողովածուների գիտական հրատարակությունը: Նրա սնվում հետ են կապված մի շարք հայ դասականների՝ Նալբանդյանի, Թումանյանի, Պատկանյանի, Պոռշյանի, Իսահակյանի և այլոց երկերի գիտական հրատարակությունները:

Ինճիկյան բանասեր-գրականագետի եզրակացություններն ու ընդհանրացումները խորսխված են պատմա-գրական, փաստական հարուստ նյութի վրա, գիտականորեն հիմնավորված են, խորապես համոզիչ: Դրանով էլ պայմանավորված է այն բարձր հեղինակությունը, որ նա վայելում է գրական և գիտական հաստատանության մեջ:

Ցանկանք վաստակաշատ գիտականին երկար տարիների ստեղծագործական արդյունավետ կյանք: